

Republika ng Pilipinas  
Lalawigan ng Bulacan  
Lungsod ng Malolos

OFFICE OF THE GOVERNOR HON. DANIEL R. FERNANDO	
PAO	
18 MAY 2020	RECEIVED BY
DATE	8:49 A.M.
	TIME

## TANGGAPAN NG PUNONG LUNGSOD

#277

### ATAS TAGAPAGPAGANAP BLG. 29 Serye 2020

#### PAGTATAKDA NG MGA PANUNTUNANG IPATUTUPAD SA LUNGSOD NG MALOLOS MULA IKA-16 NG MAYO HANGGANG SA IKA-31 NG MAYO KAUGNAY SA *MODIFIED ENHANCED COMMUNITY QUARANTINE*.

**SAPAGKAT**, noong ika-8 ng Marso 2020, sa bisa ng Proklamasyon Bilang 922 ng Pangulo ng Republika ng Pilipinas – Pangulong Rodrigo Roa Duterte, isinailalim ang Republika ng Pilipinas sa *State of Public Health Emergency* dala ng pandemya ng COVID-19;

**SAPAGKAT**, sa bisa ng Memorandum mula sa Kalihim Tagapagpaganap Salvador C. Medialdea mula sa Atas ng Pangulo ng Pilipinas na may petsa ika-16 Marso 2020, ang kapuluan ng Luzon ay isinailalim sa Pinalawig ng Pampamayanang Kuwarantina o *Enhanced Community Quarantine (ECQ)*;

**SAPAGKAT**, noong ika-11 ng Mayo 2020, ay ipinasya ng Inter-Agency Task Force for the Management of Emerging Infectious Disease na isailalim ang lalawigan ng Bulacan sa *General Community Quarantine* sa pamamagitan ng IATF Resolution No. 35 series of 2020;

**SAPAGKAT**, noong ika-16 ng Mayo 2020, ipinasya ng Inter-Agency Task Force for the Management of Emerging Infectious Disease na isailalim sa *Modified Enhanced Community Quarantine* ang Lalawigan ng Bulacan mula ika-16 ng Mayo 2020 hanggang ika-31 ng Mayo 2020 sa pamamagitan ng IATF Resolution No. 37 series of 2020;

**SAPAGKAT**, alinsunod sa Seksyon 455 (2) (iii) ng Kodigo ng Pamahalaang Lokal ng 1991, ang Punong Lungsod bilang Punong Tagapagpaganap ng pamahalaang lungsod ay may kapangyarihang mag-akda ng mga atas tagapagpaganap para sa taimtim na pagsasagawa ng mga batas at ordinansa;

**NGAYON, SAMAKATUWID, ako, si INH. GILBERT T. GATCHALIAN**, Punong Lungsod ng Lungsod ng Malolos, Lalawigan ng Bulacan, sa bisa ng kapangyarihang kaloob sa akin ng mga umiiral na batas, ay ipinag-uutos ang mga sumusunod:



**SEKSYON I. PAGPAPANATILI NG CLUSTERING, WINDOW PERIOD AT HOME QUARANTINE PASS.** Mananatili ang pagpapatupad ng *clustering* ng mga barangay, at *window period* na umiiral na mula pa nang isailalim sa *Enhanced Community Quarantine* ang Lungsod ng Malolos. Tanging ang mga holder lamang ng home quarantine pass, essential workers, at holder ng travel pass ang maaaring lumabas ng kanilang mga bahay.

Para sa mga edad 20 pababa o 60 pataas, maaari lamang silang lumabas sa hindi maiiwasang pangangailangan gaya ng pagbili ng gamot at pagkain para sa mga walang ibang kasama sa bahay at pagkakaroon ng pagpapatunay mula sa kanilang employer na walang ibang maaaring gumawa ng kanilang tungkulin.

**SEKSYON I.1 PAGTATANGI.** Hindi sakop ng clustering at window period ang mga healthworkers, frontliners, mga manggagawa ng mga establisyimentong pinahintulatang magbukas ngayong panahon ng MECQ, force multipliers na pinahintulatang magboluntir ng Pamahalaang Lungsod, kawani ng Pamahalaang Lungsod sa kanilang pagganap ng opisyal na gawain, at mga halal ng opisyal ng Lungsod ng Malolos.

Ang mga *barangay volunteer* ay maaaring magpatuloy na magsagawa ng kanilang gawain sa loob ng kanilang mga barangay araw-araw.

**SEKSYON I.2 EKSKLUSIBONG SERBISYO NG MGA ESSENTIAL ESTABLISHMENTS PARA SA MGA RESIDENTE NG MALOLOS.** Tanging ang mga residente ng Malolos na may home quarantine pass o travel pass ang maaaring pumasok sa mga establisyimentong pinapayagang bukas. Ang mga residente ng ibang pamahalaang lokal ay maaari lamang makapasok sa Lungsod gamit ang travel pass mula sa Tanggapan ng kanilang Punong Bayan o Punong Lungsod upang makapasok sa mga bangko, ospital, klinika, at tanggapan ng gobyerno.

**SEKSYON II. PAGKAKALOOB NG TRAVEL PASS.** Ang lahat ng essential workers ng mga establisyimentong pinapayagan na magbukas at mga gawaing pinahihintulutan sa panahon ng MECQ ay hindi na kinakailangan ng travel pass.

Tanging mga pagbiyahe lamang ng mga non-essential workers at mga gawaing hindi pang-komersyo, na pinahihintulutan sa panahon ng MECQ, ang pagkakalooban ng travel pass.

**SEKSYON II.1** Binibigyang karapatan ang mga Punong Barangay na magkaloob ng mga travel pass para sa mga biyaheng hindi kinakailangang lumabas ng Lungsod.

**SEKSYON II.2** Ang Tanggapan ng Punong Lungsod ang siyang magkakaloob ng travel pass para sa mga residenteng lalabas ng Lungsod.

**SEKSYON III. PAMPUBLIKONG TRANSPORTASYON.** Sa ilalim ng Omnibus Guidelines on the Implementation of Community Quarantine, hindi pa pinahihintulutan ang pampublikong sasakyan. Anumang pagbabago sa panuntunang ito na ipatutupad ng ahensiya ng gobyerno ay ginagawang bahagi ng Atas na ito.

**SEKSYON III. 1** – Ang mga essential establishments na pinahihintulutan sa panahon ng MECQ ay hinihikayat na magbigay ng company shuttle para sa kanilang mga empleyado. Kung sakaling hindi ito matutugunan ng essential establishment, kinakailangang bigyan ng sertipikasyon ng essential establishment ang mga pribadong sasakyan na gagamiting shuttle ng kanilang mga empleyado.

**SEKSYON IV. MGA ESTABLISYIMENTO / INDUSTRIYA NA PINAHIHINTULUTANG BUKAS NGAYONG MECQ.** Ang mga establisyimentong pinapayagang bukas sa ilalim ng MECQ alinsunod sa Section 2(4) at Section 3(4) ng IATF Resolution No. 37 ay ginagawang bahagi ng Atas na ito. Mahigpit na tinatagubilinan ang mga establisyimento na sundin ang limitasyong ukol sa dami ng empleyado na maaari nilang papasukin.

**SEKSYON IV.1** Ang mga establisyimentong pinahintulutang mag-operate at **100% capacity:**

- a. Media establishments
- b. Kompanyang gumagawa ng semento at bakal
- c. BPO
- d. Mining at quarrying
- e. E-commerce
- f. Post office, delivery services at koreo
- g. Rental and leasing ng sasakyan at equipment na gamit sa permitted sectors
- h. Recruitment at placement offices para sa pagtatrabaho sa permitted sectors
- i. Repair of computers, personal and household goods
- j. Housing services: eg. Kasambahay , tubero, aircon repair

**SEKSYON IV.2** Ang mga establisyimentong pinahintulutang mag-operate at **50% capacity:**

- a. Manufacturing plants ng mga sumusunod:
  - i. beverages kasama ang mga alcoholic drinks;
  - ii. Electrical machinery;
  - iii. Wood products and furniture;
  - iv. Non-metallic products;
  - v. Tela, patahian ng mga damit at iba pang wearing apparels;
  - vi. Sigarilyo;
  - vii. Papel at mga produkto nito gaya ng mga kahon, resibo, at iba pang kahalintulad;
  - viii. Rubber at Plastic products;
  - ix. coke at refined petroleum products gaya ng LPG;
  - x. iba pang non-metallic mineral products;
  - xi. computers;
  - xii. electronic and optical products;
  - xiii. electrical equipment;
  - xiv. machinery and equipment;
  - xv. motor vehicles, trailers and semi-trailers;
- b. Real estate and leasing activities



- c. administrative and office support (eg. Photocopying and billing services)
- d. Ibang financial services, gaya ngunit hindi lamang ng, money exchange, insurance, microfinance at credit cooperatives, reinsurance at non-compulsory pension funding
- e. Legal at accounting services;
- f. Management consultancy services o activities;
- g. Architectural at engineering activities na mayroong technical testing at analysis;
- h. Science and technology, at research and development;
- i. Recruitment and placement agencies para sa mga overseas employment.
- j. Advertising at market research;
- k. Computer programming at information management services;
- l. Publishing at printing services;
- m. Film, music at television production;
- n. Photography, fashion, at industrial, graphic at interior design;
- o. Wholesale and retail trade of vehicles;
- p. Repair and maintenance of vehicles;
- q. Malls and commercial centers **na dapat sumunod sa mga pamantayan ng DTI**

**Memorandum Circular No. 20-21;**

- r. Restaurants ngunit delivery and take-out lamang;
- s. Hardware stores;
- t. Clothing and accessories;
- u. Bookstore and school and office supplies;
- v. Baby or infant care supplies;
- w. Pet food and pet care supplies;
- x. Information technology, communications and electronic equipment;
- y. Flower, jewelry, novelty, antique and perfume shops; and
- z. Toy stores, maliban sa playgrounds at amusement areas;
- aa. Firearms and ammunition trading establishments, alinsunod sa regulasyon ng Firearms and Explosive Office;
- bb. Pastors, priests, rabbi, imams, and other religious ministers insofar as providing home religious services to households, provided that proper protocols shall be observed such as social distancing, wearing of face masks and the like;

**SEKSYON V. OPERASYON SA MGA OPISINA NG GOBYERNO.** Ang mga opisina ng gobyerno ay magpapatuloy ng operasyon sa pamamagitan ng skeleton workforce o iba pang alternatibong paraan ng paggawa alinsunod sa mga alituntunin ng *Civil Service Commission*.

**SEKSYON VI. PAGBUBUKAS NG ESSENTIAL ESTABLISHMENTS TUWING ARAW NG LINGGO.** Tanging ang mga taong nabanggit sa Seksyon I.1 – mga frontliners, essential workers, mga halal ng opisyal at barangay volunteers ang pinahihintulutang makapasok sa mga essential establishments tuwing araw ng Linggo.

**SEKSYON VII. PAMANTAYAN PARA SA MGA PUBLIC GATHERINGS.** Tanging ang mga pagtitipon na kaugnay sa trabaho at religious gatherings ang pinahihintulutang

pagsasama-sama. Limang indibidwal lamang ang pahihintulutang magtipon sa anumang pagkakataon sa ilalim ng *Modified Enhanced Community Quarantine*.

**SEKSYON VIII. PANANATILI NG MGA CHECKPOINTS.** Upang makasiguro ng patuloy na pagpigil sa pagkalat ng coronavirus sa Lungsod ng Malolos, mananatiling maigting ang pagsusuring isasagawa sa mga checkpoints ng mga Kapulisan at ng mga *force multipliers* na binigyan ng pahintulot na gumanap ng mga tungkulin sa checkpoints.

**SEKSYON IX. MAHIGPIT NA PAGPAPATUPAD NG ISOLATION NG MGA INDIBIDWAL NA "COVID-19 SUSPECTS".** Ang sinumang matukoy ng Contact Tracing Team ng Lungsod na nagkaroon ng close contact sa isang *COVID-19 patient* at nagpakita ng sintomas ng coronavirus na walang sariling bukod na silid sa kanyang tahanan ay agarang dadalhin ng Contact Tracing Team ng Lungsod sa isa sa mga *isolated facilities* ng Lungsod.

Ang Kapulisan at ang Tanggapang ng Panlungsod na Manananggol ay maaaring magsampa ng kaukulang kaso sa ilalim ng Republic Act 11332 na mas kilala bilang "Mandatory Reporting of Notifiable Diseases and Health Events of Public Health Concern Act" para sa mga hindi tatalima sa alituntuning ito.

**SEKSYON X. MAHIGPIT NA PAGRE-REPORT SA MGA BARANGAY OFFICIALS NG LAHAT NG BALIKBAYAN.** Lahat ng Balikbayan na dumating sa Lungsod ng Malolos ay nararapat na magpunta sa kanilang mga Barangay Hall upang sila ay maisama sa mga indibidwal na ikukuwarantina sa loob ng 14 na araw sa sariling bukod na silid sa kanilang tahanan.

**SEKSYON XI. MAHIGPIT NA PAGTALIMA SA MINIMUM HEALTH STANDARDS.** Mahigpit na tinatagubilinan ang mga mamamayan sa Lungsod ng Malolos at ang mga establisyimentong pinahihintulutan ngayong MECQ na isagawa ang mga *minimum health standards*:

**SEKSYON XI.1 Safety protocols** – Palagiang pagsusuot ng face masks. Ang mga establisyimento ay inaatasang ipatupad ang polisiyang "no face mask, no entry"; palagiang paghuhugas ng kamay; pag-iwas na humawak sa mga *surfaces*; mas pinaigting na polisiya ng pag-iingat para sa mga ospital at mga kahalintulad nito.

**SEKSYON XI.2 Safe distancing** – Pagpapanatili ng isang metrong pagitan; pagpapaluwag sa mga *work spaces*; paglalagay ng mga markang magsisilbing tanda ng isang metrong pagitan; hindi pagrereport sa trabaho kung mayroong ubo, sipon, lagnat, sakit ng ulo, *diarrhea* o alinmang sintomas ng coronavirus;

**SEKSYON XI.3 Return to work protocols** para sa mga pribadong kumpanya – pagpapatupad ng work from home policy; pagkakaroon ng *company shuttles* para sa mga essential workers.

**SEKSYON XII. KAPARUSAHAN.** Ang sinumang lalabag sa Atas na ito ay maaaring sampahan ng kaukulang kaso ng Kapulisan o ng Tanggapan ng Panlungsod na Manananggol.


**SEKSYON XIII.** Ipinagbabawal ang pag-inom ng alak sa labas ng sariling bahay.

**SEKSYON XIV.** Mananatili ang curfew hours sa Lungsod mula ika-8 ng gabi hanggang ika-5 ng umaga.

**SEKSYON XV. SUGNAY NG PAGHIHIWALAY.** Kung sakaling ang alinman sa mga sugnay ng Atas na ito ay maipawalang-bisa, mananatiling may bisa ang lahat ng sugnay na maaaring ihiwalay sa sugnay na nawalan ng bisa.

**SEKSYON XVI. KABISAAN.** Ang Atas Tagapagpaganap na ito ay binibigyang kabisaan mula ika-16 ng Mayo, taong kasalukuyan.

Nilagdaan ngayong ika- 16 ng Mayo, 2020, Lungsod ng Malolos, Lalawigan ng Bulacan.

  
INH. GILBERT T. GATCHALIAN  
Punong Lungsod